

Os oes unrhyw un yn fodlon helpu efo'r gwaith o agor y capel ar fore Sul, rhowch wybod i un o swyddogion Ebeneser neu i'r Gweinidog os gwelwch yn dda.

Yn ôl y patrwm presennol yr oedfaon, mae angen arbennig am help i agor y festri ar ddau fore Sul o bob mis.

Cleifion

Os gwyddoch am unrhyw un o aelodau eglwysi'r Ofalaeth sydd yn yr ysbty neu heb fod yn dda, a wnewch chi roi gwybod i ni os gwelwch yn dda. Byddwn yn falch o gael gwybod mor fuan â phosibl.

Diolch yn fawr iawn wrth gwrs i baw sy'n ein helpu yn hyn o beth. Mae'n help mawr cael gwybod pwy sydd ym mha ysbty ar unrhyw amser.

Cyhoeddiadau

GOFALAETH

Nos Fercher, Chwefror 17: Pwyllgor yr Ofalaeth am 7.00 o'r gloch yn festri Carmel, Llanllechid.

CEFNYWAUN AC EBENESER

Dydd Sul, Chwefror 21: Gwasanaethir yn y ddwy oedfa, am 10.00 a 5.00 o'r gloch, gan y Gweinidog.

CAPEL COCH A NANT PADARN

Y mis nesaf - Deiniolen

Chwefror 14

2.00 p.m. - Mr Huw Fôn Roberts

Chwefror 21

10.00 a.m. - Y Gweinidog
5.00 p.m. - Y Gweinidog

Chwefror 28

4.00 p.m. - Y Parchg W R Williams

Nos Wener-Dydd Sul, Chwefror 19-21:

Cwrs Ieuenctid yng Ngholeg y Bala.

Dydd Sul, Chwefror 21: Gwasanaethir am 10.00 gan y Parchg Cath Williams, Caernarfon ac am 5.00 o'r gloch gan Parchg Geraint Roberts, Porthaethwy. Ni chynhelir Ysgol Sul oherwydd gwyliau hanner tymor.

REHOBOTH

Dydd Sul, Chwefror 21: Ni fydd oedfa.

BETHLEHEM

Dydd Sul, Chwefror 21: Gwasanaethir am 2.00 o'r gloch gan Mr Richard Lloyd Jones, Bethel, yn y capel, gobeithio, ond ceir cadarnhad cyn hynny.

CARMEL

Nos Wener, Chwefror 19: Dwylo Pysur am 6.30 o'r gloch.

Dydd Sul, Chwefror 21: Bydd yr Ysgol Sul am 10.30 o'r gloch ac oedfa am 5.00 o'r gloch dan arweiniad y Parchg John Lewis Jones.

CYNLLUN EFE

Dydd Gwener, Chwefror 19: Ni fydd y Cyfarfod Gweddi yn cael ei gynnal yr wythnos hon.

Y mis nesaf - Llanberis

Chwefror 14

10.00 a.m. - Y Gweinidog
11.15 a.m. - Ysgol Sul
5.00 p.m. - Oedfa MOLI

Chwefror 21

10.00 a.m. - Y Parchg Cath Williams
11.15 a.m. - Ysgol Sul
5.00 p.m. - Y Parchg Geraint Roberts

Chwefror 28

10.30 a.m. - Oedfa Deulu



BEIBL BYW

Gronyn

Taflen wythnosol Gofalaeth Fro'r Llechen Las
Rhif 670: Dydd Sul, 14 Chwefror, 2016

Hawdd ei ddarllen

Bwriad trefnwyr ymgyrch 'Beibl Byw' yw annog pobl Cymru, ac yn arbennig Gristnogion Cymru, i ddarllen mwy ar Y Beibl eleni. Tair elusen, Gobaith i Gymru, Cyngor Ysgolion Sul Cymru a Chymdeithas Y Beibl sydd y tu cefn i'r ymgyrch. Cefnogwyd yr ymgyrch gan y prif enwadau, ac fe'i hysgogwyd gan gyhoeddi beibl.net y llynedd.

Nid tasg hawdd y mae trefnwyr 'Beibl Byw' wedi ei gosod iddynt eu hunain. Aeth *Y Beibl* yn llyfr anghyfarwydd i genedlaethau o bobl Cymru. Mae'n hel llwch ar silff lyfrau ar aml i aelwyd, ac yn ail digon gwan i'r llyfr emynau yng ngolwg llawer o gredinwyr. Mae yna waith mawr i'w wneud i berswadio pobl i ddechrau ei ddarllen. Ond trwy ras a chymorth Duw, gobeithio y gwelwn lawer yn agor ei gloriau er mwyn rhoi cynnig ar wneud hynny.

Ond er mor anodd y dasg, y cysur sydd gennym yw mai annog pobl i wneud peth syml iawn ydym: dim ond darllen. Am y tro, does dim sôn am drafod nac egluro na chymhwyso; dim ond darllen. A chan fod gennym bellach dri chyfieithiad Cymraeg fe ddylai fod yn haws nag erioed i ni ddarllen *Y Beibl*. Gall y rhan fwyaf ohonom ddarllen, ac fe ddarllenwn rywbeth bob dydd, boed bapur newydd, neu lyfr, neu dudalen o'r We neu hyd yn oed *Gronyn*! Does neb yn gofyn i ni wneud rywbeth rhy anodd; dim ond darllen *Y Beibl*.

Ac eto, mor rhwydd yw cymhlethu

pethau trwy awgrymu y dylid darllen *Y Beibl* mewn rhyw ffordd arbennig. Clywais sawl un yr wythnos ddiwethaf yn mynnu fod rhaid darllen *Y Beibl* gyda gofal, a hynny yng ngoleuni'r oes bresennol hon, rhag i ni gael ein caethiwo gan ddogmâu a chredoau o ryw oes a aeth hebio. Mae'r siarad hwn yn fy mlino am ddau reswm.

Yn gyntaf, mae'r holl ladd ar greddo a dogma'n wadiad o'r Ffydd Gristnogol, ac yn ddiystyr ac afresymol. Y mae i'r Ffydd hon ei dogmâu, ei chredoau, ei dysgeidiaeth a'i hathrawiaethau am Dduw, am Iesu, ac am bob math o bethau. Datguddio'r gwirioneddau hynny yw un o brif bwrpasau'r Beibl. Mae'n amhosibl i neb ddarllen y llyfr hwn heb gael ei gyflwyno i'r corff o ddogmâu a chredoau sydd ynddo. Fedrwech chi ddim darllen cylchgrawn coginio heb ddysgu rhywbeth am fwyd! A fedrwech chi ddim darllen *Y Beibl* heb ddysgu ffieithiau am Dduw.

Ac yn ail, peth peryglus yw dweud fod rhaid darllen *Y Beibl* 'yng ngoleuni ein hoes ni' gan fod hynny'n awgrymu y gallwn wrthod ei neges os yw'r neges honno'n annerbyniol i'n hoes ni, neu'n groes i safonau ein hoes ni. Pa werth sydd i'r llyfr os cawn wrthod unrhyw beth na all ein hoes ni ei dderbyn? Rheitiach o lawer yw darllen yr oes bresennol yng ngoleuni'r Beibl, gan adael i'r llyfr ein cysuro a'n cywiro, ein dysgu a'n dwysbigio, ein bywhau a'n bendithio â'i oleuni oesol. Darllen, felly, gan adael i'r llyfr siarad â ni.

Gofalaeth Fro'r Llechen Las

Cefnysaun (P), Deiniolen
Ebeneser (A), Deiniolen
Capel Coch (P), Llanberis
Nant Padarn A), Llanberis
Rehoboth (P), Nant Peris
Bethlehem (A), Talybont
Carmel (A), Llanllechid

Gweinidog: Y Parchg John Pritchard
Cilfynydd, Llanberis, Gwynedd
Ffôn: 01286 872390
e-bost: john.cilfynydd@btinternet.com

Gwefan yr Ofalaeth:
gronyn.wordpress.com
neu gronyn.org

Balm o Salm

'Ateb fi pan alwaf, O Dduw fy nghyf-
iawnder! Pan oeddwn mewn cyfyngder,
gwaredaist fi; bydd drugarog wrthyf, a
gwrando fy ngweddi' (Salm 4:1).

Heddiw

Croeso cynnes i oedfaon y Sul. Boed
bendith Duw ar ein haddoliad.

Gwasanaethir yn Capel Coch am 10.00
o'r gloch gan y Gweinidog, a bydd oedfa
MOLI am 5.00 o'r gloch. Nid oes Ysgol
Sul heddiw.

Gwasanaethir yn yr oedfa yn Neiniolen
am 2.00 o'r gloch gan Mr Huw Fôn
Roberts, Brynrefail.

Bydd yr Ysgol Sul yn Llanllechid am
10.30 o'r gloch. Gwasanaethir am 5.00
o'r gloch gan y Parchg Dafydd Coetmor
Williams.

Gwasanaethir yn Nhalybont (yn Ysgoldy
Maesygroes) am 2.00 o'r gloch gan y
Gweinidog.

Nid oes oedfa yn Nant Peris heddiw.

Diolch i bawb am eu gwasanaeth ym
mhob un o'r eglwysi ystod y dydd.

Cofion

Anfonwn ein dymuniadau gorau hefyd at
bawb sydd heb fod yn dda eu hiechyd ar
hyn o bryd.

Pwyllgor yr Ofalaeth

Cynhelir Pwyllgor Yr Ofalaeth am 7.00
o'r gloch nos Fercher yr wythnos hon,
Chwefror 17.

Cynhelir y cyfarfod y tro hwn yn festri
Carmel, Llanllechid.

Trafodir materion ariannol yn ymwneud
â'r Ofalaeth.

CIC

Cynhaliwyd CIC yn Capel Coch nos
Wener. Diolch i Aled Williams am helpu
Andrew yn y cyfarfod y tro hwn.

Cwrs Ieuencid

Bydd rhai o aelodau CIC Llanberis yn
mynd i'r Cwrs Ieuencid yng Ngholeg y
Bala bnawn Gwener nesaf.

Cynhelir y Cwrs o nos Wener, Chwefror
19 hyd amser cinio dydd Sul, Chwefror
21. Bydd y bws yn cychwyn o Lanberis
am 1.30 o'r gloch.

Os oes rhywun arall eisiau mynd ar y
cwrs rhochwyd i'r Gweinidog neu i
Andrew Settatee erbyn canol yr wythnos
nesaf yma.

Cymdeithas Llanberis

Cafwyd cwis yng ngofal y Gweinidog yn
y Gymdeithas Undebol yn Llanberis nos
Fawrth, Chwefror 9. Diolch i bawb am
gymryd rhan.

Y mis nesaf cynhelir Swper Blynnyddol y
Gymdeithas yng Ngwesty'r Fictoria, nos
Fawrth, Mawrth 8. Trefnir y swper gan
Eifion a Gwyneth Roberts, Sw-n-yr-afon.
Mae bwydlen ar gael, a gofynnir i bawb
ohonoch sydd am ddod i'r swper roi
gwybod iddynt mor fuan â phosibl eu
bod yn dod a beth ydych eisiau i'w
fwyta. Rhif ffôn Eifion a Gwyneth yw
870740.

Cynllun Efe

Mae Cynllun Efe wedi cynnal Gweithiwr
Ieuencid Crstnagog yn nalgylch papur
bro *Eco'r Wyddfa* ers mis hydref 2008.
Mae'r enw 'Efe', os cofiwch, yn egluro
diben a dalgylch yr elusen, sef **E**fengyl i
Fro'r **E**co.

Caiff Apêl Ariannol Flynyddol Efe ei
gwneud yn ystod mis Chwefror a mis
Mawrth. Daeth yn amser felly i
gyflwyno'r Apêl unwaith eto.

Fel y gwyddoch o bosibl o'r cyfeiriadau
a wnaed yn Gronyn yn ystod y flwyddyn
ddiwethaf, yr ydym yn cydweithio erbyn
hyn â Trobwynt, elusen debyg i ni yn
Llŷn ac Eifionydd, a byddwn yn rhannu
amser ein swyddog ieuencid, Andrew
Settatee, â Trobwynt am dair blynedd.

Bydd Trobwynt yn cyfrannu hanner y
gost o gynnal y swydd dros y cyfnod
hwnnw. Mae hynny'n help mawr i
Gynllun Efe, wrth reswm. Ond nid yw'n
golygu nad oes angen i ni ddal i wneud
ymdrech i godi arian i gynnal y gwaith.

Gan fod Efe erbyn hyn yn derbyn llai o
lawer o arian oddi wrth yr enwadau nag a
gafwyd yn ystod blynnyddoedd cyntaf y

gwaith yr ydym yn dibynnu fwy a mwy
ar gyfraniadau unigolion ac eglwysi lleol
er mwyn cynnal y genhadaeth hon.

Gofynnwn eto, felly, i unrhyw un sy'n
gallu gwneud hynny i ystyried cefnogi'r
gwaith yn ariannol er mwyn sicrhau fod
gennym ddigon o arian i gynnal y swydd
dros y tair blynedd nesaf.

Mae'r cynllun '**Un o Fil**' ac '**Un o Gant**'
yn parhau gennym fel ffyrdd posibl o
gefnogi'r gwaith. Mae '**Un o Fil**' yn
anelu at gael 1,000 o bobl i gyfrannu £20
y flwyddyn; a'r cynllun '**Un o Gant**' yn
anelu at gael 100 o bobl i gyfrannu £100.
Gwahodddwn aelodau'r eglwysi lleol i fod
yn 'Un o Fil' neu yn 'Un o Gant'.

Cafwyd cefnogaeth hael gan lawer, a
gwerthfawrogwn hynny'n fawr iawn.
Mae rhai wedi ymrwymo i gyfrannu yn
fisol ers blwyddyn neu ddwy, ac eraill yn
ymateb i'r Apêl Flynyddol. Gellir
cyfrannu unrhyw adeg o'r flwyddyn wrth
gwrs, ond mae'r Apêl Flynyddol yn gyfle
arbennig i annog ein cefnogwyr.

Os medrwyd gyfrannu unrhyw swm, neu
os ydych eisiau rhagor o wybodaeth am
waith Efe, cysylltwch â'r Gweinidog.
Mae sicciau i'w gwneud yn daladwy i
'Cynllun Efe'.

Ebeneser

Fel y nodwyd yn *Gronyn* y Sul diwethaf,
bydd Mr Jackie Parry a Mr Idris Parry y
rhoi'r gorau i'r gwaith o agor a chau
drysau Ebeneser ddiwedd y mis hwn
wedi oddeutu tair mlynedd ar ddeg o
wasanaeth gwerthfawr iawn. Buont yn
gofalu am gadw'r tir o flaen y festri yn
daclus hefyd gan dorri'r gwawir ac ati.

Gwerthfawrogwn yn fawr iawn yr holl
waith a wnaeth y ddau dros y cyfnod
hwn. Mae wedi bod o gymorth mawr i
waith yr eglwys. Diolch yn fawr iawn i'r
ddau am eu holl waith.